

REFERAT TEAMSMØTE I AK 26.03.20 (MØTE NR. 03)

Til stades: Per Asbjørn, Peder, Magne, Erik, Nina og Roger på telefon.

Tidspunkt: 20.00 – 21.30

Referent: Per Asbjørn

Sak 19 19-21 Info om status NSF.

Leiar orienterte om økonomisk status i NSF, og konsekvensar for drift vidare.

Sak 20 19-21 Status om situasjonen i AK no, og framover.

Leiar orienterte om situasjonen. Vi står utan adm.sjef i ein ukjendt periode grunna permittering, og må finne løysingar på utfordringar framover. Erik sjekkar behov for oppfølging av markedsavtalar. COOP-avtala skal reforhandlast innan september 2020, dette avventar vi forløbbig.

Sak 21 19-21 Barmark og ski ut sesongen, og for ny sesong 2020-2021.

Samlingane på vår-snø lokalt finn vi ei ordning på om det vert opna opp for samlingar. Skikrinsen forhold seg til vedtaka som kjem frå sentralt hald om når vi kan starte med organisert trening.

Barmark: AK vil prioritere å få til eit godt barmarksopplegg som vert delt ut digitalt til dei aktive. Ulike personar til å lage eit program vart diskutert. Peder kontaktar Andrine Mårstøl med forespørsel om å lage eit barmarksopplegg tilpassa aktuell gruppe, gjerne med digital øvelsesbank inkl. rettleiing. Skikrinsen gjev godtgjersle utfrå tidsforbruk. Haustmøte ynskte å legge alle barmarksamlingar til Sandane, med ulike klubbar som arrangør. Erik sjekkar med trenarane i Førde om dei ynskjer å ta på seg dette, då må ein i så fall vurder alternativet med å legge samlingar til Førde.

Ski. Planlagde skisamlingar ut mai får vi til om det vert opna opp for organisert trening. Ulike løysingar for skisamling vidare vart diskutert, vi sonderar i første omgang ulike løysingar for dei som vil trene mest. Peder sonderer med Møre om mulighet til å vere med dei på Juvass sommar / tidleg haust. Roger sonderer med Fana/ Hordaland om mulighet for å vere saman med dei på haustsesongen. Vi tok ei vurdering på kor mange løparar som vil starte tidleg oppkjøring til neste sesong. Gruppa kan bli så stor at vi må vurder å sende med eigen trenar om vi får følgje andre treningsgrupper sommar/ haust.

Sak 22 19-21 Trenarsituasjon, behov/ planlegging.

Det er eit stort ønske om kontinuitet på trenarsida, vi erkjenner at dette kan bli krevande. Roger kontaktar dei tidlegare trenarane vi hadde med oss denne sesongen, og kartlegg kven som vil vere med vidare. Samtidig ser vi at vi bør sjekke mulighet for å knytte til oss nye. Magne spør Emma Åsebø som deltok i Sogndal i vinter. Per Asbjørn spør Edvin Fonn Sårheim, tidlegare NTG-Lillehammer trenar.

Sak 23 19-21 Fordele arbeidsoppgåver, bistå kvarandre.

Vi har ei fast oppgåvefordeling i AK,, men med adm.sjef som er permittert må vi ved behov fordele arbeidsoppgåvene meir. Sportslege leiarar har allereie eit større ansvar for samlingar enn tidlegare. Ein må gi beskjed om ein treng hjelp innafor sitt ansvarsområde.

Sak 24 19-21 Infokanalar inn til AK og ut til klubbar/ dei aktive.

Margot Åsebø kan publisere på skikrinsen si Facebookside, dette er no den einaste offisielle kanalen vi har tilgjengeleg. Så kan vi deretter nytte vår eigen Facebookside til løpande informasjon. Informasjon krå klubbar inn til AK gjer vi i første omgang ved at medlemar i AK tek kontakt med leiarane i eigne klubbar/ miljø, og får ei evaluering på kva dei ynskjer vidare, og liitt evaluering av fjordårssesongen. Denne kontakta med klubbane er ei form for evaluering som vi gjer på haustmøte. Utover kontakt med eigne klubbar tek Per Asbjørn kontakt med Stryn, og Nina tek kontakt med Hafslo. Frist for tilbakemelding på epost til alle i AK er 01.mai.

Sak 25 19-21 Ymse.

På grunn av situasjonen vi er i no velger vi å ikkje avvikle digitalt vårmøte, direkte kontakt med klubbar erstattar dette i denne omgang. Terminliste avventar vi til hausten.

Referent: Per Asbjørn Felde